

揭文安公全集

二

竭文安公全集卷之三

竭 曼碩 僕斯 着

門生前進士燮理溥化校錄

題明皇出遊圖應制

明皇八駿多馳道還是開元是天寶長安花發  
萬年枝不識韶華醉中芳奎章閣下文書靜冕  
旒端拱唐虞聖此圖莫作等閒看萬古君王作  
金鏡

畫鷹

文具五色條秋高意氣豪怒張兩目直霄漢豈

與短翮翔蓬蒿妖狐晝作猛虎嗥驕虞井與神  
麟逃嗟爾飽食心空勞

題裴使君棄官學道詩卷

至元天子朝萬國任丘使君謝病歸門前未罷  
車馬客身上已著朝真衣致君堯舜在豪傑洗  
耳巢由何是非棲雲觀裏青松對唯有白雲終

日飛

登祝融峯贈星上人

洞庭南在嶺北衡山連延滿岸黑中有祝融如  
結鬟嵯峨七十二峰間祝融不自知千山萬山

自廻環廻環面：芙蓉起祝融正在芙蓉裏儼  
如天仙朝紫皇千官百辟遙相望半夜每瞻東  
海日六月常飛滿樹霜龍擎鳳攫熊虎躋雲山  
霧滅何時極我來正值太平時：有山僧似疇  
昔憑高一覽四海空草間培塿安足雄盤：羅  
漢臺翕：炎帝宮復恐九天上視我猶井中荊  
風日夜相騰蹙谷老崖堅松柏充古來鐵瓦盡  
飄揚山上至今猶版屋山僧勸我歌我歌徒自  
傷天下五岳嵩中央此山與我俱南疆我今三  
十始一見北望中原天更長

送何太虛南歸

窮秋乍到深冬別來已俄然去忽然學士已分  
修史棣道人特送賣丹錢單車欲發無三日幾  
處同行可百年積雪堅冰愁客路徐州城下便

通船

憶昨四首

天曆年中秘閣開授經新鮮育羣材宮門待漏  
常先到講席收書每後回召試時蒙天語旁分  
題不待侍臣催滿頭白雪丹心在太液池邊只

獨來

宮草葱茸禁樹齊日趨延頸對凝輝朝迎步輦  
花間立暮送回鑿柳下歸碧殿東浮蒼鹺合金  
河北北引玉泉肥幾迴弘慶門前路春氣蒙々  
欲濕衣

己：羣儒映璧金端陽侍燕寶憇西線分學士  
親臣送詩賜皇姑御手題注酒含春瑞露重承  
塵轉平錦雲依日斜共出西門道既醉猶能散

馬蹄

奎章分署隔窓紗不斷香風別殿花留守日頒  
中賜果宣徽月送上供茶諸生講罷仍番直學

士吟成每自誇五載光陰如過客九疑無處望

重華

題李安中白銅雀

白銅雀白銅雀每見陳河上工鑄平生未識百禽性不敢籠向江南帰

寄題胡氏園趣亭

日與世情遠學人聊治生畦蔬多品類樹果各生成野老退偏數山禽近不驚詩書吾所好農圃也源明

題文瑞荀

常德之龍陽居多蜀士祠事梓橦君甚嚴祠前  
有池曰景星咸淳癸酉蓮兩葉並蒂者六剗初  
登進士第延祐甲寅兩花並蒂孫以忠登第天  
曆己巳華如甲寅城東三雅湖蓮復三華並蒂  
海魯丁獲獨步丁馮天澤聯貢而獲獨步丁  
登第好事者寫以為勗遂予賦詩 蓮花復蓮  
葉並蒂更蓮莖並葉已不見三花兩花更有情  
如何與人作嘉瑞偏向龍陽水底生龍陽家事  
梓潼君花二葉梓潼神好在龍陽士汝但讀  
書更續文為華為葉汝莫論

題南頓孔子復明詩卷

失明非有故復明還自然方其失明時萬事俱  
棄捐外雖無所睹內則常淵々如未嘗有目不  
喜亦不憐如明入地中明未嘗不全逍遙天地  
內如在天地先不助亦不忘一氣自周旋不敢  
計此生敢計時序遷剥乃復之始自坤還自乾  
忽如浮雲散還我蒼蒼天昔非果失之今亦固  
有焉如何孔氏家母子仁且賢先後俱失明其  
復皆十年十者數之終如月晦必圓養之苟有  
道何疾非所痊顧言永保之母或忽此篇

奉同柯博士廿內掾下直賦

暮出閭閻門解鞍坐前庭冷冷草露白華月隔  
林生蟋蟀奮哀響鴻鴈流遺聲常恐芳景晏不  
知寒節并萬物肅將斂孤懷徒自盈捉衿激長  
謠淒泊諒難徵

賦得海上雲送良上人歸往山

蕩蕩無邊涯悠悠何所之孤飛若有意羣往更  
無疑稍拂搏柔樹還經若木枝迎陽成五色乘  
陰忽四垂作態離仍合多情去却追因風遇別  
島和月下蓬池且任泛龍去寧知到岸時惟應

李空者淳泊與相期

吳子高悼亡歸岳陽

都門落葉滿遊子去京畿忍聽離鶯操遙逐秋  
鴻飛愁霜晚入鏡淚雨夕沾衣烟樹黃河岸風  
帆米石磯平沙迴渺湯寒雨暋熹微客心閑轉  
切鄉書近却稀夢闇兒女泣行將童僕依竊慕  
漆園放誰云潘岳非乘涼慣不險迴江望若圍  
武昌未易到更向兵陽歸

秋夜作

露下氣逾肅月高寒欹流落葉階前樹竦鐘城

北樓衰年對急景歸心臨莫秋當世非無意才

薄徒淹留

進士張子高得印州判官歸成都

邛竹山前負弩迎去年曾是一書生天寒劍閣  
猶車馬雪滿繩橋正甲兵即恐徵求民力竭莫  
將憂患客心并六千餘里閑河路不盡深期遠  
別情

題陶淵明歸農圖

家貧無酒飲聊設試弦歌去家百餘里邈若異  
山河江上日多風浩々水增波門前五柳樹繁

蒼空婆娑林田已收成歸計當如何

寄題傅尊師兄弟所作寧壽道院

鍾崇之山千萬峰琵琶臺湖相疊重兩翁入谷  
起臺殿半夜空山聞鼓鐘猛虎如逢洞邊石飛  
龍却是雲間松黃庭書罷人難見鴻寶披殘手  
自封度竈采芝隨鹿跡登崖望日羣雲跋已知  
塵世惟堪笑不見神人空少逢辟穀有方桃更  
美園葵無地橘相容但餘一念封人祝未與人

間萬事慵

二月朔日雪中題歐陽少監所藏宋好古畫竹

晨朝下延閣貽我翠琅玕微霜著節勁細霧入  
林寒欹枝偏稱遠壓葉更宜攢孤石覆逾潤橫  
波晴不乾况茲春雪裏相對五雲端誤當裁汗  
簡誰擬截漁竿惟應湘浦上歸共幽人觀

雲錦溪棹歌七首

雲錦溪中雲錦鮮好在高秋八月天西蜀錦江  
聊得似西湖綠水更湏憐

總過浮石是藍溪；上青山高復低山中泉是  
溪中水尋源直到華山西

藍溪南去到藍洲水底嶄；石不流迴望朱宮

雲霧裏白雲深處更高樓

宮前梨浦白茫茫：岸上人家不似牆能到此中  
還有幾行人莫厭棹歌長

揚金橋望玉真臺：下橋頭人往來崇文宮裏  
看華去安仁縣裏賣薪回

挹僊亭下薛公橋紛紛：抵暮更連朝唯有橋西  
楊與柳無情長繫木蘭橈

溪上層層雲錦山岳楊盡處是龍灘不是孤舟  
來逆上何人知道世途難

御書雪林二字賜趙中丞應制

聖主揮毫臨祕閣親臣執法坐崇臺祥雲五色  
蒼天下彩鳳雙飛映日來政欲清如林上雪已  
聞聲奮地中雷君臣十載明良會咫尺微垣

接上台

題胡處汲水蓄部尚應制

沙磧茫茫塞草平沙泉下馬滿囊盛曾於王會  
蜀中見真向天山雪外行聖德只今包宇宙  
邊庭隨處樂農耕紺半幅唐人筆留與君王

駐遠情

題辛澄蓮華觀音像應制

至人不可測宴坐青蓮華珠纓被玉體白豪貫  
形霞從何得此相來置玉皇家

杜節婦詩

結髮事夫子白首以相期詣宴方婉娶生死遠  
分離室中無長男堂上無老姑生計日蕭條誰  
分心不渝良馬不亂羣仁鳥不亂行昔者為夫  
婦今恩遂相忘生為董家女死作杜家婦安能  
若流水東流復西注春秋陳時祀蘋藻宿所共  
一朝祭無主焉得不忡忡灼灼庭中花落落俱  
為實賤妾在空閨志願從此畢